

Isoniazid: Kilen an ri-nañinmej eo bōk/idaak wūnokan nañinmej in TB

Ta in INH?

Isoniazid (INH) ej juon wūno in wā kōjerbale ñan kōmadmōde nañinmej in TB. Wūno in ej jermal ñan ruo wūn ko:

1. Ñan kōmadmōde kij in TB eo ekiki (latent).
2. Ñan kōmour jān nañinmej in TB (ñe bōke ippān wūno ko jet)

Kij in TB ko eļap aer kajoer im pen mani. Kwōnaaj aikuj bōke/idaak wūno in 6 ļok ñan 12 allōñ ñan maroñ mane aolep kijin TB (bacteria) ko im kōmour eok jān nañinmej in TB. Taktō eo aṃ enaaj kowaļok jete allōñ kwōnaaj aikujin bōke/idaak wūno eo.

Eļmān aō bōke/idaak wūno in?

E menin aorōk bwe kwōn idaak wūno in aolep raan ak āinwōt an taktō eo aṃ karōke. Mōkaj im kōjjeļāik taktō eo aṃ ñe kwaar kabōrak aṃ idaak wūno eo liṃōṃ. Ñe kwōlikjab jān juon iien idaak wūno, idaak ilo iien eo emōkajtata, ak emo bōke ruo alen lo juon wōt iien. Keememej im kōjjeļāik taktō eo aṃ kōn wūno ko kwōj idaak ak jabdewōt wūno kāāl ko kwōj jiño idaak. Kajjioñ bōk wūno eo ilo an ejjeļok kobban lojiem. Ñe ej kaabṃōṃōik lojiem, bōke ippān mōñā. Kōkoṃ wūno INH eo ijo emṃōļo im emōrā.

JAB idaak arkool/dānnin kadek ñe kwōj bōk wūno in. Kwōmaroñ naaj kōjorrāan aj eo aṃ.

Etke imaroñ bar aikujin bōk Vitamin B6 (Pyridoxine) ilo ejja iien eo wōt?

Ōn (Vitamin B6) eo enaaj jipañ bōbrae jān an wūno INH kōṃṃan an mej im kūknaļnaļ addiin peiṃ im neem. Kwōmaroñ jab aikuj bōke ōn in elañe ebwe aṃ maroñ bōke jān mōñā ūne ko kijōṃ.

Ta jorrāan ko remaroñ waļok jān wūno in (side effects) im ij aikuj waji?

Enañin aolep armej rejjab būrabōļōm ilo aer bōk wūno INH. Taktō eo aṃ enaaj aikuj waje wōt iok ilo aṃ idaak INH. Jet jorrāan ko ekkā im maroñ waļok jān wūno in rej:

- Lennab, jorrāan kil
- Dike mōñā

Ñe ewaļok jorrāan kein reļap jān wūno in (side effects), bōrak jān idaak im kūļok taktō eo aṃ.

- Mōļañļōñ/mōmōjakeļok
- Kōļo metak/metak loje
- Mōk/dolin mōk
- Jil/marok kōlarin dānnin rawūt
- Emetak ak kūknaļnaļ addiin peiṃ im neem
- Eiiaļo kil ak māj ko
- Piba iuṃwin jilu ak elōñļok raan

Jidik jipañ ñan kilen bōk wūnokan TB eo liṃōṃ:

- Bōk wūno ko liṃōṃ kajojo raan ilo ejja iien eo wōt, waanjoñok:
 - Mōkta jān kiki ak ilo jibboñ tata
- Kōjermal talboon eo aṃ ñan kakememej iok
- Kōjermal nien wūno eo ñan tarrin juon wiik
- Kōkaļleik kajojo raan ilo calendar eo ālikin aṃ bōk wūno ie
- Kajjitōk ippān juon nukwōṃ ak mōttaṃ bwe en kakememej eok